



SINDIKAT METALACA FEDERACIJE BOSNE I HERCEGOVINE

Obala Kulina bana 1, 71 000 SARAJEVO; Tel./Fax.: ++ 387 33 20 01 76;

E-mail: info@smfbih.ba Web: www.smfbih.ba

Broj: 01-131-V/26

Sarajevo, 01.maj 2026. Godine

SREDSTVIMA INFORMISANJA

Predmet: PRVOMAJSKI PROGLAS 1. Maj 2026. godine

Danas u Zenici Prazniku rada vraćamo njegovo izvorno značenje.

S ovog mjesta poručujemo da radnička solidarnost nije umrla, da je sindikalizam itekako živ.

Sigurni smo da će naša poruka otići daleko i probuditi novu nadu svim radnicima u ovoj zemlji, nadu u pravdu i bolje sutra. Često slušamo velike riječi i zapaljive govore. Ali naša djela govore i govoriće više od hiljadu riječi.

Ovo nije kraj naše borbe, ovo je kulminacija. Mi nismo ničiji, ni politike ni gazda. Mi smo sindikat radnika, samo smo njima lojalni i bićemo uvijek, bez obzira na sva podmetanja.

Ovdje smo da podržimo radnike i sindikat Nove Željezare Zenica, ali i sve metalce i ostale radnike u njihovoj borbi za život, za dostojanstvo, za nadu, za pravdu, za ostanak u ovoj zemlji. Njihova borba je naša borba, uz njih smo do kraja, bez obzira na sve izazove i pritiske.

Željezarci su u poslijeratnim godinama, u najtežim uslovima crne metalurgije, proizveli više od 16 miliona tona čelika. Nema kuće, zgrade, tvornice, bolnice, škole, državne ustanove, objekta infrastrukture, u državi i regionu, a da u njega nije ugrađena barem kila zeničkog čelika. A u taj čelik ovi su ljudi ugradili dio sebe i svojih života. Sedam radnika željezare je od 2007. godine izgubilo život na radu. Stotine su postali invalidi i oboljeli od teških bolesti zbog uslova rada. Sve što su dobili zauzvrat je radnička crkavica koja se zove plata. Zato nikad i nikome nećemo dozvoliti da željezaru i njene radnike svodi na nivo komunalnog problema i izvora zagađenja u Zenici, niti da im se obraća osim s dužnim poštovanjem. U zabludi su svi oni koji misle da se može živjeti samo od tržišnih centara ili da se budžeti pune sami od sebe.

U situaciji kad je integralna proizvodnja čelika odlukom vlasnika zaustavljena, bez namjere ponovnog pokretanja, u potpunosti podržavamo plan za preuzimanje udjela u zeničkoj Željezari od strane Energoinvesta, s ciljem pokretanja integralne proizvodnje i stvaranja svih potrebnih uslova da ovaj sistem samoodrživo posluje.



SAVEZ SAMOSTALNIH SINDIKATA
BOSNE I HERCEGOVINE





SINDIKAT METALACA FEDERACIJE BOSNE I HERCEGOVINE

Obala Kulina bana 1, 71 000 SARAJEVO; Tel./Fax.: ++ 387 33 20 01 76;

E-mail: info@smfbih.ba Web: www.smfbih.ba

Kao takav, može i biće pokretač reindustrijalizacije čitave Federacije BiH, uz podršku svih drugih subjekata koji razumiju da je ovo patriotski projekat broj jedan u državi i koji će ga sigurno podržati.

Danas također moramo skrenuti pažnju i na položaj ostalih radnika u metalском i realnom sektoru općenito. Rast cijena jede realne zarade radnika, koji sa sadašnjim platama imaju sve manju kupovnu moć. U zadnje četiri godine je četveročlana radnička porodica, u kojoj jedan član radi i prima prosječnu platu u Federaciji, ostvarila „minus“ od preko 70.000 KM! Radnici preživljavaju tako što se krpe kratkoročnim kreditima ili pozajmicama, ili rade još jedan ili dva posla u vrijeme kad bi se trebali odmarati od teškog rada. Ovakvo stanje je neodrživo.

S druge strane, poslodavci u Federaciji BiH su u 2025. godini imali ukupne prihode od skoro 80 milijardi KM, za 7% više nego 2024. godine, a profit od 6,2 milijarde, za 8,5% veći nego 2024 godine. Sjetimo se sada njihove kuknjave sa početka prošle godine, da će povećanjem minimalne plate sve propasti i da ćemo izgubiti 50 ili 100.000 radnih mjesta.

Plate radnika moraju rasti, najniža plata mora biti značajno povećana, radnici moraju imati kolektivne ugovore i definisana sva prava - to više nije pitanje dobre volje nego društvenog opstanka!

Na kraju, ne treba nam lažna podrška u vidu političkih prepucavanja, ne treba nam ni naknadna pamet. Ako neko misli da su ovi radnici blesavi i da ne vide kako se njihova muka koristi za ubiranje jeftinih političkih poena, taj se grdno vara.

Gašenje proizvodnje čelika i Željezare Zenica i gubitak hiljada radnih mjesta za nas nisu i nikada neće biti opcija, to svima mora biti jasno! Hoćemo da radimo, da gradimo, da od svog rada živimo, a ne da budemo na teretu socijalnim fondovima i državi. Metalски sektor, elektroenergetski sektor, plinski sektor, građevinski sektor, transportni sektor, uslužni sektor, a onda i budžeti - sve je na kocki.

Ne igrajte se sa sudbinama ovih ljudi i budućih generacija.

Ovo danas nije kraj borbe, ovo je tek početak.

Mi nećemo u stečaj, SRETAN 1. MAJ!



SAVEZ SAMOSTALNIH SINDIKATA
BOSNE I HERCEGOVINE





SINDIKAT METALACA FEDERACIJE BOSNE I HERCEGOVINE

Obala Kulina bana 1, 71 000 SARAJEVO; Tel./Fax.: ++ 387 33 20 01 76;

E-mail: info@smfbih.ba Web: www.smfbih.ba

ZAHTJEVI

1. U što kraćem periodu moraju biti provedene aktivnosti najavljene od strane Vlade Federacije i FMERI u smislu preuzimanja vlasništva u Novoj Željezari Zenica i ponovnog pokretanja integralne proizvodnje, što je od presudnog značaja za radna mjesta i čitav privredni lanac u kojem rade desetine hiljada ljudi!
2. Zahtijevamo punu primjenu Granskog kolektivnog ugovora na sve poslodavce u grani metalske industrije bez obzira na vlasničku strukturu. Ujedno pozivamo Udruženje poslodavaca Federacije BiH na početak pregovora o novom kolektivnom ugovoru i povećanje najniže cijene rada shodno rastu troškova života!
3. Tražimo donošenje novog Zakona o radu po mjeri radnika koji će radniku vratiti sigurnost radnog mjesta i ljudsko dostojanstvo, a ne nastaviti tjerati radnike u inostranstvo. Samo tako će iskazati poštovanje i interes prema radničkoj populaciji.
4. Zahtijevamo hitne, konkretne i provodive mjere kontrole cijena životnih namirnica kako bi se obuzdalo divljanje cijena usljed inflacije koja jede realne plate radnika, uz drastično kažnjavanje prekršilaca istih!
5. S obzirom na jako teške i po zdravlje i život svakodnevno opasne poslove metaliskog radnika apelujemo na poboljšanje statusa radnika realnog sektora kroz donošenje zakonskih rješenja koja bi za efekat imala bolje penzije radnika realnog sektora.



PREDSJEDNIK SM FBIH

Almir Salihović

Dostavljeno:

- Naslovu;
- a/a.



SAVEZ SAMOSTALNIH SINDIKATA
BOSNE I HERCEGOVINE

